

# Pengecualian levi institusi pendidikan swasta mulai 2026

BERITA HARIAN 15 JUN 2025 m/s: 2

Inisiatif kali pertama diumumkan kerajaan bukti kesungguhan tingkat mutu pendidikan negara

Oleh Saadiah Ismail  
saadiah\_ismail@bh.com.my

**Kuala Lumpur:** Perdana Menteri, Datuk Seri Anwar Ibrahim mengumumkan pengecualian levi pendidikan bagi semua institusi pendidikan swasta, mulai 1 Januari 2026.

Beliau berkata, ini kali pertama dalam sejarah kerajaan mengumumkan pengecualian bagi meningkatkan mutu pendidikan.

“Saya sudah minta Ketua Setiausaha Kementerian Pendidikan (KPM) dan Kementerian Sumber Manusia (KESUMA) untuk memantau supaya semua institusi pendidikan ini dapat memberi yang terbaik,” katanya pada Majlis Kemuncak National

Training Week 2025, di sini, semalam.

Yang turut hadir, Menteri Sumber Manusia, Steven Sim serta Timbalannya, Datuk Seri Abdul Rahman Mohamad; Ketua Setiausaha KESUMA, Datuk Azman Mohd Yusof dan Ketua Setiausaha Kementerian Pendidikan, Datuk Dr Aminuddin Hassim.

Anwar berkata, guru juga harus didedahkan dengan kecerdasan buatan (AI) dan pelajar harus diberikan pengetahuan lebih mendalam mengenai AI.

“Jika tidak ada kelompangan dalam memberi keperluan sama dengan mereka yang mendapat latihan.

“Sekiranya ingin maju dan mencatat pertumbuhan meyakinkan, negara tidak boleh kekal di tahap lama, latihan serta pendekatan yang lama,” katanya.

## Program AI For Educators

Sementara itu, Steven berkata, bagi menggembeng usaha mempertingkatkan kemahiran rakyat dalam aspek Revolusi Industri 4.0, KESUMA akan bekerjasama dengan Kementerian Pendidikan untuk melaksanakan program *AI For Educators*.



Anwar merasmikan Majlis Pembukaan National Training Week (NTW) 2025 di Stadium Nasional Bukit Jalil, semalam yang turut dihadiri Steven (dua dari kiri).  
(Foto Aswadi Alias/BH)

“Program ini antara lain bertujuan melatih hampir 400,000 pendidik seluruh negara dalam penggunaan AI untuk pengajaran mereka.

“Guru sebagai barisan hada-

pan sektor pembangunan modal insan akan mempunyai ilmu dan kemahiran berdepan dengan cabaran era zaman AI.

“Ini mencerminkan bukan saja komitmen KESUMA, malah Ke-

rajaan MADANI untuk pastikan guru dapat kekalkan kemahiran terancang bagi melahirkan rakyat yang mampu berdepan dengan cabaran komitmen abad ke 21,” katanya.